

& terres adjacentes tirant vers la Terre-neuve, s'appellent Souriquois, & ont leur langue propre. Mais passée la Baye François, qui a environ 40. lieuës de profond dans les terres, & 10. ou 12. lieuës de large, les hommes de l'autre part s'appellent Etechemins, & plus loin font les Armouchiquois peuple distingué de langage de ceux-ci, & lequel est heureux en quantité de belles vignes & gros raisins, s'il sçavoit conoitre l'vtilité de ce fruit, lequel (ainfi que nos vieux Gaullois) il pense estre poison. Il a aussi de la chëve excellente que la nature lui donne, laquelle en beauté and bôté passe de beaucoup la nôtre: & outre ce le Saffrafas, force chenes, noyers, pruniers, cha-taigniers, & autres fruits qui ne font venus à nôtre conoissance. Quant au Port Royal ie veux confesser qu'il n'y a pas [19] tant de fruits: & neantmoins la terre y est plantureuse pour y esperer tout ce que la France Gaulloise nous produit. Tous ces peuples se gouvernent par Capitaines qu'ils appellent Sagamos, mot qui est pris és Indes Orientales en même signification, ainfi que i'ay leu en l'histoire de Maffeus, & lequel i'estime venir du mot Hebrieu *Sagan*, qui signifie Grand Prince, selon Rabbi David, & quelquefois celui qui tient le second lieu apres le souverain Pontife. En la version ordinaire de la Bible il est pris pour le Magistrat: & neantmoins là même les interpretes Hebrieux le tournēt Prince. Et de fait nous lifons dans Berofe que Noé fut appelé Saga tant pour ce qu'il estoit grand Prince, que pour ce qu'il avoit enseigné la Theologie, & les ceremonies du service divin, avec beaucoup de secrets des choses naturelles, aux Scytes Armeniens, que les anciens Cosmographes appellerent Sages du nom de Noé. Et paraventure pour cette

*Ammian
Marcellin.*

*Ejai. 41.
vers. 25
Jerem. 51.
vers. 23.
Santes
Pagnin, 9.*